

- *Adjudicacións definitivas.*
- *Procedementos de adjudicación anulados.*
- *Así como calquera outro tipo de información xeral sobre a actividade contractual do Concello que se considere pertinente.*

No entanto, a Corporación acordará o que estime pertinente.

Alfoz, 23 de maio de 2010

Emilio Louren Mañé

Aberta a quenda de intervencións e logo das manifestacións dos portavoces dos Grupos Políticos e do concelleiro do Bloque Nacionalista Galego, sometéuse a votación a proposta transcrita sendo aprobada pola unanimidade dos asistentes, é dicir, 5 votos a favor do Grupo Municipal Popular; 3 votos a favor do Grupo Municipal Socialista e 1 voto a favor do Bloque Nacionalista Galego, polo que SE ACORDA:

PRIMEIRO.- Crear con efectos desde 1 de xullo e 2010 o Perfil de Contratante do Concello de Alfoz, que acreditará de maneira fidedigna o momento de inicio da difusión pública, a integridade da mesma e a garantía de dispoñibilidade de canto se refira á actividade contractual deste Concello, nos termos previstos na Lei 30/2007, de 30 de outubro, de Contratos do Sector Público, a través da súa consulta na dirección electrónica: <http://www.concellodealfoz.sedelectronica.es>.

SEGUNDO.- A forma de acceso do Perfil de Contratante deberá especificarse na páxina Web institucional do Concello, nos pregos de cláusulas administrativas particulares e nos anuncios de licitación.

TERCEIRO.- Integrar o Perfil de Contratante na Sede Electrónica Municipal.

CUARTO.- No Perfil de Contratante do Concello deberá constar a seguinte información:

- *Anuncios de licitación.*
- *Composición da mesa de contratación.*
- *Adjudicacións provisionais.*
- *Adjudicacións definitivas.*
- *Procedementos de adjudicación anulados.*
- *Así como calquera outro tipo de información xeral sobre a actividade contractual do Concello que se considere pertinente.*

5º.- NOMEAMENTO DE FILLO PREDILECTO A D. PEDRO RUBAL PARDEIRO.- Dada conta da proposta feita na solicitude do Mundo de Galea que literalmente di:

“Srs. Concelleiros (PP, PSOE, BLOQUE) do Concello de Alfoz.



Serie A N.º 1301838

Estimados Srs.

*En pasadas datas a A. C. "Mundo de Galea" presentou unha proposta no Concello solicitando se lle outorgase o título de **Fillo Predilecto a D. Pedro Rubal Pardeiro**, veciño da parroquia de Mor (Alfoz).*

A proposta do "Mundo de Galea" faise, non só polo feito de haber sido Primeiro Presidente desta Asociación (neste intre presidente de honra), senón ó ter en conta a súa labor en pro da docencia, da cultura, poñendo en alza os valores do Concello que o viu nacer, aportando a súa colaboración altruísta co fin de conquistar un desenrolo social axeitado aos tempos actuais, cara a lograr un merecente progreso e benestar á nosa Comunidade.

Observacións realizadas polos moitos veciños e coñecidos que o temos en boa estima, así como colectividadeas consultadas, vese de bon agrado render publicamente unha ben merecida homenaxe outorgándolle o título de Fillo Predilecto en sinal de agradecemento e testemuña da súa labor e entrega en busca sempre do mellor, cara a enriquecer a calidade de vida dos cidadáns, dende un nobre sentimento a veces non comprendido, pero si plasmado na súa obra, sendo unha honra para Alfoz o poder contar con tan digno persoeiro.

Tal proposta de Mundo de Galea faise desde unha extrema imparcialidade fuxindo de calquera protagonismo co fin de contribuír a unha resolución favorable do Concello (como Ente competente) coa esperanza de que tal acordo conte coa aprobación unánime, única condición que sabemos de certo que D. Pedro Rubal vai poñer á hora de aceptar o nomeamento.

Confiando na boa intención de todos nós para que o homenaxeado disfrute do aprecio e do respecto dos seus amigos e conveciños na plenitude da súa vida; quedamos sumamente agradecidos.

Alfoz, 12 de marzo, 2010

Asdo. Quique Geada (Secretario)

Visto e prace

Juan Puchades (Presidente) "

Considerando a proposta realizada pola Asociación Cultural "O Mundo de Galea" sobre a conveniencia de nomear Fillo Predilecto do Municipio a D. Pedro Rubal Pardeiro polos seus méritos singulares.

Considerando que por Acordo do órgano instrutor solicitáronse diferentes informes nos que quedaron acreditados os merecementos que xustificaron estas honras.

Á vista do informe - proposta emitido polo órgano instrutor do procedemento de nomeamento de Fillo Predilecto, o Pleno por unanimidade dos concelleiros asistentes; e, en virtude dos artigos 50.24, 190 e 191 do Real Decreto 2568/1986, de 28 de novembro, do Regulamento de Organización e Réxime Xurídico das Entidades Locais, e o artigo 4º do Regulamento de Honras e Distincións deste Concello, adopta o seguinte ACORDO:

PRIMEIRO. Nomear a D. Pedro Rubal Pardeiro como Fillo Predilecto do Municipio de Alfoz por a súa labor na docencia, na cultura, poñendo en alza os valores deste Concello e pola súa colaboración altruísta co fin de conquistar un desenrolo social axeitado.

SEGUNDO. Comunicar o nomeamento ao interesado citándolle para que o día 18 de setembro de 2010 acuda á sesión solemne na que se procederá a entregarlle o diploma que acredita o título de Fillo Predilecto do Municipio. Esta sesión de celebrará nun acto público no Salón de Plenos do Concello e coa maior solemnidade posible.

TERCEIRO. Inscribir no Libro Rexistro de Honras e Distincións o título concedido para que quede constancia da súa entrega».

6.- MOCIÓN DO GRUPO MUNICIPAL SOCIALISTA SOBRE REDUCCIÓN DE RETRIBUCIÓN DO ALCALDE E ASIGNACIÓN OS MEMBROS DA CORPORACIÓN.- Dada conta da Moción que foi distribuída con Convocatoria e que literalmente di:

"O Grupo Municipal Socialista, en base ao disposto nos artigos 91.4 e 97.3 do Regulamento de Organización, Funcionamento e Réxime Xurídico das entidades locais e demais normativa que poida resultar de aplicación, presenta, diante do Pleno da Corporación esta MOCIÓN, en base a seguinte EXPOSICIÓN DE MOTIVOS:

Ante a grave situación económica que estamos a padecer, debido a crise financeira que afecta a toda Europa, o goberno de España que preside Zapatero vén de tomar algunhas medidas moi duras, sobre todo para os traballadores públicos, que verán reducido o seu salario e que a van contribuir, en maior medida, a paliar a crise.

Outra medida que se vai tomar é a redución do 13% , do salario de algunhas corpos políticos.

Os concelleiros e concelleiras desta corporación non debemos ser alices a estas medidas, máis cando o alcalde está a demandar máis financiamento estatal para o noso concello. Cremos que debemos ser solidarios, poñer o noso gran de area e apertar o cinto para mellorar a economía local.

Polo tanto, como os integrantes desta Corporación estamos de firme desinteresada, co Ó único fin de traballar por Alfoz e favorecer aos nosos veciños e veciñas, este Grupo propón ao Pleno que se tomen os seguintes acordos:

1º.- A redución do soldo (mínimo o 13%) e dietas do Alcalde.

2º.- Supresión das asignacións que reciben os concelleiros e concelleiras pola asistencia aos Plenos, Comisión de Goberno, Concello, etc.

Alfoz, maio de 2010.

O vocero do PS&G PSOE

SR. ALCALDE-PRESIDENTE DO CONCELLO DE ALFOZ."

Aberta o roldo de intervencións, o vocero do Grupo Municipal Socialista, Sr. Val Díaz, xustifica a mesma en base o sinalado na exposición de motivos.